

欽定剿平三省邪匪方略

欽定剿平三省邪匪方略續編卷八

癸亥年

三月初三日

丁酉

額勒登保奏言

臣

十七日行抵

三花灘探報有賊一股約計百人由通江西壩

梁東竄十字壩有奔姚家壩之勢隨於十八日

五鼓督兵取道鹽場迎截詎該匪探知東面有

兵卽由絲羅壩向南竄去十九日有穆克登布

一路之都司李廷珍守備馬忠良何榮帶領兵

勇五百名趕剿此股賊匪前來據稱該匪只八九十人係宋逆分股餘匪在南江境內老林伏匿穆克登布派令該都司等繞路抄截途間據難民告稱賊匪在亮埡子藏匿引誘官兵入林左右衝出殺了官兵十幾人聞說穆大人被害賊仍往山內竄去李廷珍卽晝夜探明該匪蹤跡趕剿前來臣隨卽西向通江進發查探該路

情形二十日接據遊擊劉元明等稟報劉元明
隨同穆克登布跟剿由南江玉坡鼠來之零匪
八九十人趕至樓房坪探悉該匪在亮垵子老
林藏匿劉元明一面督兵由陳家壩入林搜捕
一面飛報穆克登布穆克登布卽率領管總浸
巴圖叅將王兆龍隨帶兵勇百餘名飛馬上前
親身督率進抵亮垵子山根該處均係密箐老

林馬不能進遙見山頂有賊匪二三十人時隱
時現穆克登布催令劉元明帶領兵勇覓路向
上趕捕劉元明前隊兵勇奮力上搶該匪旋即
翻過山堽兵勇齊至山頂正分投搜殺間浸巴
圖王兆龍知前隊已至山頂即接續行至半坡
兩旁林中突有伏賊數十人一齊衝出與兵勇
互相攪殺叅將王兆龍營總浸巴圖連射數賊

各身受矛傷數處陣亡兵勇驚潰穆克登布帶
領弁兵數名徒步趕進救援連射數箭不意弓
梢打斷亦被旁賊用矛刺中脅肋倒地隨從吉
林甲兵阿恒太兵丁周昇馬成功上前護救亦
受矛傷均同時被害委防禦花桑阿額外委
王良輔受傷滾巖兵勇陣傷十餘名劉元明在
山頂聞聲回兵趕殺已屬無及賊匪見官兵折

回仍入林肆竄兵勇人人憤恨分投搜獲賊匪
十一名當經亂矛戳斃不及訊供等情

臣

查穆

克登布由侍衛陞補營員出師數年另路帶兵
殺賊擒渠最爲奮勇歷蒙

皇上天恩陞授甘州提督年甫三十三歲實爲有用
之材今以搜捕零匪見賊數較少恃勇輕敵以
致捐軀洵屬萬分可惜但穆克登布一路兵勇

一千五六百名除李廷珍分帶五百餘名外卽
使分路搜剿亦應有數百名何以數十零匪不
能抵禦以致陣亡或係誤墮賊計抑係兵勇潰

散必須確切查辦以肅軍紀臣已飛調該路官

兵卽回臣軍營查訊至副將羅聲臯等趕剿合

夥西竄之賊連日抄過西面扼截該匪又折走

西坡漆樹埡向東奔竄臣十九日師次朱耶廟

搜獲逃出難民鄧天祥訊據供稱此股共有四百三十人今日五更翻山往李家壩段家坡而

去

臣

卽分派官兵連夜赴亭子廟板橋子截剿

適副都統銜達斯呼爾岱副將羅聲臯蕭鳳來

叅將李應元等各帶兵勇趕剿前來

臣

查該路

會合馬步兵勇已有二千七百餘名極爲壯盛

令達斯呼爾岱羅聲臯一同督率由李家壩返

蹤趕剿

臣

督兵抄赴奔口塘十字壩一帶在內

北扼顧陝疆現探該匪已由仁村向東南奔竄
達斯呼爾岱羅聲臯帶兵距賊不遠卽日可以
趕及接仗其奔竄絲羅壩之賊八十餘人有李
廷珍帶兵勇五百餘名懸賞鼓勵不分星夜追

擊設法盡數殲洗現今陝邊寧謐並無賊氛其

東面大寧山內與楚境竄匪

臣

連日師行山內

且相距較遠尙未接據稟報情形奏入

上命軍機大臣傳諭額勒登保曰此起竄匪係宋應
伏分股敗殘餘孽爲數祇八九十人穆克登布素
來奮勇自以餘匪無多未免心存玩敵冒險輕進
以致身被戕害實深憐惜著加恩交部賜卹於原
有世職上加一等賞給輕車都尉世職並查明伊
子卽令承襲如已及歲於百日孝滿後帶領引見

不必俟年終辦理叅將王兆龍營總浸巴圖奮勇
殺賊遇伏陣亡亦殊可惜吉林甲兵阿恒太兵丁
周昇馬成功上前護救同時受傷被害均著咨部
照例賜卹所有甘州提督員缺著額勒登保於軍
營出力總兵內保奏數員候朕簡用至穆克登布
所帶兵勇共一千五六百名卽分路搜剿亦有數
百官兵隨身護衛何至不能抵禦除劉元明下山

奔救尙無不合外都司李廷珍等係穆克登布專
派帶兵五百名追剿此股竄匪之員該提督被害
時李廷珍等是否係在別路兜截其緊隨穆克登
布之官員兵丁共有若干人有無畏葸潰散情事
著額勒登保詳悉確查如官兵等果有此等情事
以致穆克登布被害卽當據實嚴叅懲治不可稍
有姑息至剿捕教匪數年以來軍營帶兵大員多

有砂賊戕害者此在從前賊勢猖獗之時已爲不值況此時不過搜捕餘匪更不值冒昧輕進致有折傷前曾屢次降旨令額勒登保密囑將備等於勇往之中加意慎重不可墜賊奸計賊匪往往於深林密箐之間設法引誘甚或裝扮鄉勇喊號撲營其狡詐伎倆無所不有實可痛恨此後凡遇跟蹤接伏之時務須飭知鎮將嚴密準備至此股賊

匪據稱往絲羅壩一帶奔竄現有李廷珍帶兵五百名跟蹤追擊等語此時卽將該匪七八十名全數誅夷亦不足解恨額勒登保當飭令李廷珍鼓勇殲擒勿使一名漏網並查明此起爲首之犯係屬何人再此股賊匪現將提督大員戕害必致漸肆鴟張況此時川北餘匪尙在未淨設該匪等乘勢傳播致各處零星匪聞風附和殊有關係額勒登

保現在分飭將備會合趕剿並親自帶兵扼截務將此起及各路零匪趕緊掃除於三月間歲事勿稍稍延草率

初四日

戊戌

勒保奏言竊照忠州酆都縣等處有奸民假充教匪勾通破寨之事經臣派委文武

查緝拿獲首夥各犯

臣

一面輕騎馳赴綏城審

辦一面將所帶官兵分派各路搜捕餘匪茲據

夔州一路文武稟報總兵田朝貴一路搜剿陝
省南山窻來之賊該匪在沿邊老林輾轉奔逃
官兵追至後坪叅將張明德帶領兵勇步行入
山搜捕行至黃_山灣林深箐密賊匪潛匿在內
張明德猝不及防被賊突出矛傷陣亡適田朝
貴帶同遊擊薛陞等領兵趕至奮力衝擊殺斃
賊二十三名餘匪窻向鹹水壩一帶出山東

竄之勢現在田朝貴緊躡跟追德楞泰聞信亦
就近督兵迎剿至川北餘匪前經遊擊陳弼從
太平山內轟出分起竄南江地界經臣派副將

羅聲皋蕭鳳來前往會同剿辦探得該匪一起
二百餘人奔竄海音寺一起一百一二十人奔

竄黃泥嘴一起五十餘人奔竄口袋灣又寧羌
州竄來一起一二百人亦至南江地界連日官

兵四路兜圍賊匪有欲合夥之勢羅聲臯等在
龍鳳埡追及賊尾擒斬一二十人該匪卽北折
改桑埡杜家坪一帶逃竄適蕭鳳來一路官兵

及

臣

續派之副都統銜達斯呼爾岱馬隊官兵

先後趕到與羅聲臯等會合趕辦又

臣

原派之

叅將羅思舉遊擊陳弼都司周士貴及經畧額
勒登保原派之叅將李應元各路兵勇俱在該

境一帶臣現又嚴飭分投緝捕合力剿辦並飭
總兵達自祥卽在廣南一帶遏賊西竄計此數
起零匪聚於川北各路官兵亦復雲集數倍於
賊只須痛剿一二仗卽可殲淨又據臬司劉清
稟稱本月初十日有僧人通添來赴廣元縣報
稱該僧近在南江地方被賊圍去據賊曰喻姓
向該僧訪問官兵現在何處並稱聽得川省出

有告示准令投出免死賊衆多有願投者無不

無人通信囑令該僧代爲到官報信等語劉清

現在繕寫諭帖准其投順設仍舊觀望兵力亦

整剿辦臣連日統計賊勢與額勒登保德楞泰

札商此時三省餘匪均聚川境額勒登保在西

鄉簡池壩一帶顧住西北竄陝之路德楞泰在

奉節大寧一帶顧住東南竄楚之路臣卽於新

寧東鄉一帶往來過截該匪南竄腹地之路惟
是此時餘匪皆積年老賊伎倆較爲狡猾各路
將弁急圖竣事往往冒險進攻間有傷亡殊爲
不值必須於迅速之中倍加持重以冀壯士氣
而掃凶鋒再臣欽奉

諭旨飭查王國賢張長青二犯遞籍安插之後能否
安靜伏查張長青前係率衆投誠經臣審明遞籍

緣張長青感署雲陽縣知縣梁敦懷招撫之恩
情願相依不去至王國賢係隻身投出在梁敦
懷處相依均屬安分又奉

諭旨飭查曾芝秀齊國典苟朝九等犯伏查曾芝秀
一犯已經副將馬元一路官兵殲斃其齊國典
一犯近日並無下落惟據川北百姓傳說該逆
已在老林自縊然查無實在蹤跡未可據以爲

信苟朝九一犯本在太平山內現在田朝貴藏
出桌窻之賊據報係苟朝九餘匪而羅聲臯在
川北所剿賊匪據稱賊目姓苟看來該逆窻匪
不出此兩路之中俟獲犯到營即可確查蹤跡
奏入

上命軍機大臣傳諭勒保曰叅將張明德入山搜捕
行至黃連灣地方林深箐密猝被矛傷陣亡殊爲

可惜張明德著咨部賜卹其達斯呼爾岱羅聲皇
所剿川北餘匪摺內所敘約六百人並稱有欲合
夥之勢昨據額勒登保奏此股合竄賊匪前報有
六百餘人現據探報實有四百餘人等語可見賊
數益形減少勒保惟當飭知達斯呼爾岱等合力
攔截務於三月中一律殲淨不可遲至夏令至所
奏僧人通添報稱賊目喻姓情愿出投該匪等如

果實係悔罪不妨貸其一死但賊匪狡詐伎倆雖當十分窮蹙之時安知不因官兵剿急自揣已無生理乃以悔罪之詞爲緩兵之計設或稍予以暇又得苟延殘喘偷竊滋擾况據該僧人稱係在九江被賊圍去是此起竄匪自卽係戕害穆克登布之賊該匪等稔惡數年當此殘潰之餘猶敢害及大員尤屬罪大惡極必須將此起餘匪全數洗盡

方足以伸衆憤而慰忠魂勒保當卽飭令上緊剿
擊不必因已持論往招稍存觀望也又所奏張長
青王國賢二犯前經知縣梁敦懷招撫現在該員
處相依此等兇惡匪徒祇可暫時收養若置之左
右日久難保不潛蓄異志復生反側著勒保設法
妥爲安插不可大意

初六日

庚子

惠齡奏言

臣

帶兵由子午峪入山途

間接據總兵楊芳稟報遊擊林向榮一路在大
東河老林搜遇零匪二十餘人殲斃三人又於
石門溝山梁擒獲四名自行投出三名餘賊數
人滾崖逃散又據江口營叅將李英多稟報千
總王萬年在七畝坪西溝搜捕零匪鎗斃四人
又據漢中府趙洵稟報委員徐聯科帶領寨勇
搜山殲斃賊匪二名拿獲苟逆夥內僞元帥袁

三文等二名伏查山內零匪零星潛逸出沒靡
常人數愈少詭譎愈甚臣嚴飭楊芳等分兵數

路逐段排搜並恐山內或有從前各營落後之
鄉勇及隨營貿易游手好閒之人窮無所歸三
五結黨假充教匪搶掠居民現已通飭各營汛
及地方州縣並寨堡委員等隨處盤緝並出示
曉諭該游民等如肯自行投首卽令地方官解

交陝安道朱勳照依裁撤鄉勇之例遣送回籍
倘仍不知改悔一經官兵搜出真偽莫辨但係
執持器械之人卽行概予殲戮使此等游民咸
投生路別無假冒賊匪之人則賊勢益孤庶搜
捕更易於地方尤爲有裨奏入

上命軍機大臣傳諭惠齡曰據惠齡奏大東河老林
等處零匪或二十餘人或十餘人等語統計山內

餘孽不過五十人此次各路將弁殲獲者又約有二十人餘賊更形減少楊芳係寧陝鎮總兵山內地方皆其所轄惠齡當卽飭令該鎮帶兵時常往來排搜淨盡惠齡亦當就近督率上緊搜捕至所稱山內用兵日久或有各營落後鄉勇及隨營游手好閒之人窮無所歸三五成羣假充教匪搶掠居民等語此亦必有之事自應盤緝究辦第稱官

兵搜出後但係執持器械之人卽行概子戮戮一
語此則不可山內行旅多有持械防身卽散遣之
鄉勇等雖已將官給器械繳回而伊等尋常行走
亦難保無自製器械隨身攜帶若因此概行誅戮
殊覺過當惠齡惟當飭知地方官及營汛委員等
於盤獲此等匪犯時詳細審訊如果實有爲匪搶
掠情事再行按律嚴辦不得以其形跡可疑卽予

駢誅爲要

初九日

癸卯

德楞泰奏言竊

臣

前派富登阿馬應

國追剿宋逆餘匪據報由楊溪河向龍湊子帶
兵前進行至大堰塘探得該逆五六十人現在
張家嘴巴霧河一帶卽分兵三路趕抵該處乘
霧衝殺立斃賊十餘名生擒八名撲河淹斃者
十數名尙有過河餘匪三十餘名向牯牛窰東

奔有折竄楚界之勢又據總兵田朝貴稟報分
派遊擊薛陞守備張應錫等各帶兵勇追剿荷
朝九賊匪張應錫等兵至簸箕園探有零匪屯
於八百溪老林帶兵圍剿殺斃賊二名生擒十
四名遊擊薛陞等探得分竄賊匪五六十人由
遮羅盤而來亦帶兵迎剿殺賊二名餘匪四散
遁入老林訊據確犯供稱係黃號王國賢曾芝

秀餘匪查出偽先鋒陳正明偽總兵羅朝興二
名戰手姜勝等八名當卽分別正法又據該鎮
稟報該逆先分二起奔竄近又在團城合夥共
有三百餘人向六壩口南逃現仍緊躡追剿又
據富僧德蒲尙在等稟報劉渣鬍子賊匪百餘
人由大寧紅池壩東南奔竄二十五日屯於吳
家壩富僧德等乘霧進剿殺賊十餘名獲賊六

名賊向鹹水壩奔逃現在帶兵截剿又據副將
馬元遊擊劉彪稟報有劉渣鬍子餘匪百餘人
在龍池壩山梁屯住馬元等帶兵進攻斃賊十
數名生擒五名餘匪翻山遁逃其田朝貴所追
苟朝九等賊匪三百餘人總在大寧開縣太平
三屬老山之中朝東暮西官兵竭力剿捕擒斬
無幾前飭副將馬元遊擊劉彪等帶兵入山協

同剿辦茲馬元等於剿捕龍池壩餘匪後業已
往田朝貴處會合剿辦其富僧德等尾追劉逆
餘孽臣又飭令趕緊窮追務期掃盡又有叅將

祝廷彪截剿由陝入川之苟朝閣餘匪百餘人
尙在川陝交界之黃安壩大埡口一帶老山奔
逃聞副將張瓊亦已帶兵前往會同剿辦計三
起零匪不過五六十名富僧德田朝貴馬元張

瑗祝廷彪等數路兵勇不下五千餘名自必易
於集事臣於適中之寶塔一帶爲各路策應可

以隨時兼顧又准經畧額勒登保來信副將羅
聲阜遊擊陳弼所追之賊先後與由陝入川之
賊合夥共有六七百名向通江之龍鳳垭改桑
亞西奔恐其又復竄陝額勒登保已由太平取
道通江督飭剿辦此時兵合賊聚惟期早爲廓

清不致稽延鬆勁奏入

上命軍機大臣傳諭額勒登保德楞泰曰此次旧朝
貴富僧德等分路搜剿各起零匪斬獲總不過數
名至十數名不等並未痛加殲戮剿除一股而合
計川省太平大寧開縣山內有苟朝九股匪三百
餘人劉渣鬍子餘匪百餘人苟朝閣餘匪百餘人
又羅聲臯等所追由陝入川之賊有六七百人合

之楚省吉林秦所追之賊二百餘人統三省零匪
爲數尙有一千五百餘人前此額勒登保等奏報
歲功時祇稱各處零匪不過千餘節次殲剿之賊
已復不少何以賊數轉覺增多可見前奏未盡確
實而後起之賊諒亦不少此時賊匪怙惡不悛斷
難就撫惟有痛加剿殺方爲正辦看來額勒登保
德楞泰等自馳遞黃摺之後俱不免以殘敗餘匪

意存輕視而各路帶兵之員亦俱鬆勁以致日久稽遲尙未嚴事延玩之極額勒登保德楞泰均著傳旨申飭試思去冬馳遞黃摺宣布中外自蒙古藩部以及新疆外域均已同慶歲功本年秋間朕巡幸木蘭萬一遲至彼時尙不能一律廓清蒙古王公俱來瞻覲仍復軍書旁午籌筆靡寧汝等有何顏面成何事體乎倘此時如能將各起匪夥悉

數殄除俾地方早就寧輯朕仍當加以懋賞倘伊等竟心存自滿謂朕恩無可復加不思迅勅感事則予奪之權操之在朕彼時必將伊二人加之嚴譴則伊等數年來辛苦艱難前功盡棄而經畧叅贊既經懲治其餘各將領更難曲全矣至苟朝九一犯係首逆苟文明之子必當搜拿務獲毋使漏

網

初十日

甲辰

額勒登保奏言竊

臣

前經派員赴達

斯呼爾岱羅聲阜一路催令緊剿太平通江境

內之賊

臣

亦率師由羅村三花灘一帶抄顧北

面而進途次據達斯呼爾岱羅聲阜稟報聞該

匪竄屯大安山之周家坪相距我兵二十餘里

山勢極高隨分派叅將李應元遊擊馬成林帶

領馬隊兵勇由灑家寨從旁進擊達斯呼爾岱

羅聲臯等帶領馬隊由平洛錢家河進攻均於
二十二日四更前進二十三日黎明李應元等
由捷徑先抵周家坪賊匪已經啟竄卽催兵勇
緊趕至大安山賊匪見有我兵卽搶上山頂擲
石抵拒我兵正在搶撲適達斯呼爾岱羅聲臯
帶領馬隊趕到由旁路抄上該匪一見卽行翻
山敗竄兵勇分路趕剿斃賊九各生擒四各該

匪均紛紛向官壩一帶竄去訊據獲犯陳九供稱我們是各號湊集共有四百餘人係苟朝九管領苟朝九前因腿被鎗傷不能走路用竹兜擡著連日官兵追得緊急衆人已把他連兜藏在高字地方樹林內不知死活遂派把總譚國臣帶領兵丁十名携該犯作眼前赴高字地方尋覓達斯呼爾岱羅聲臯仍督兵勇由鍋團元

趙塘壩一帶追躡二十六日據把總譚國臣來
營稟稱在高宇樹林巖洞內尋獲一人卧於竹
兜之上腿上果帶有鎗傷氣息尙未斷絕經陳
九指認卽係苟元師譚國臣因其已不能言動
隨將該犯首級割取同獲犯解送前來

臣

查核

年貌不甚懸殊但係獲犯指認並無生供果否
殊難憑信當將獲犯正法另行切究該逆生死

下落至該匪等現奔東鄉境內官兵已追躡而前其都司李廷珍馬忠良等追剿之賊八十餘人連日由河樹梁黃溪河向東鄉中河奔竄李廷珍現由沖天觀赴前河一帶截剿並據叅將羅思舉報稱自巴州追來零匪七八十名由通江遁入南江界內臣查達自祥現帶兵在南江搜捕卽札知該鎮迎頭截剿毋令西趨又據楊

遇春呈報所剿橫山子黃墩一帶零匪百餘人
分派官兵入林搜捕叠經殲獲十餘名該匪不
能存站卽由羊甘河代安河老林欲入陝界經
總兵喜明分飭營卡堵截該匪旋竄至魚洞子
老林經遊擊璩嘉驥帶兵截擊斃賊二名該匪
又奔八百溪老林喜明現在嚴督堵截楊遇春
帶領噶拉副將張瑗等馳抵白土嶺緊顧東北

趕緊搜剿再臣連日調到穆克登布一路兵勇
逐加嚴訊緣十三日穆克登布正督兵前進一
間遊擊劉元明回報前路有賊卽挑帶廣東兵
數十名鄉勇百餘名親督繼進行至半山突遇
兩旁林中伏賊衝出官兵互相攪殺因見溟巴
圖王兆龍猝中矛傷陣亡兵勇驚慌站立不定
穆克登布仍親率上前以致遇害各官弁兵勇

衆口一詞係屬實在情形查兵丁臨陣進退以
旗爲節旗手站定兵丁自不敢散亂臣隨傳集
各路兵勇將廣東馬兵旗手鍾毓才劉振揚二
名正法示衆其餘均各重責都司曾連光守備
孫銑平日訓飭不先實難辭咎應請

旨革職枷號軍營示衆所有帶領鄉勇之千總胡國
安楊清江把總殷正芳重加責懲咨部斥革又

查有千總張廷貴把總易光俊李占榮外委袁曙李榮泰五員向係跟隨穆克登布此次不能

竭力救護亦應一併重責斥革枷號兩月遞回

原籍以肅軍紀臣通籌現在三省情形賊數愈

少賊情愈爲狡悍往往兵至則紛竄無蹤兵過

又聚合成股十日半月不能痛殲一次揆厥情

形實非一兩月內所能剗削淨盡臣再四籌畫

體察情形必須搜捕與善後一同辦理方可
勞永逸卽如設營築城各事均擇要隘興築實
可制賊奔逃寨民旣有所歸兵力亦足堵截此
時賊匪仍得往來奔竄皆因城池尙未修築百
姓無以自固不能遏制其衝之故臣去歲與勒
保會晤時卽經面商及此況現在各處裁撤鄉
勇送回本籍雖領有賞項不能長久營生以及

隨營覓趁充當夫役之人回至本籍均須謀食
各處果有興築工程卽可以工代賑收養此項
遊民尤屬一舉兩得臣統計陝省各工約需銀
十萬兩川省各縣城工及營制兵房約需銀三
十萬兩應懇

皇上天恩於軍需之外如數賞撥交勒保祖之望及
時督率趕辦臣並可就近查核督催勿任遲緩

庶秋間定可觀成至現在計陝省實在東三省
官兵三百五十餘名直隸兩廣山東貴州等省
官兵六千四百餘名陝甘官兵二萬名鄉勇六
千餘名以上滿漢官弁兵勇共計一月約需銀
九萬兩加以夫騾雜用製造軍火帳房以及州
縣運脚每月約需銀六七萬共銀一十五六萬
兩足備供支川省官兵少於陝省計每月共約

需銀十一二萬兩楚省又次於川通計三省每月需銀不過三十四五萬兩實不能再爲撙節者督撫等未能遠籌動形支絀惟有據實直陳
仰懇

皇上天恩鑒核奏入

上命軍機大臣傳諭額勒登保曰自額勒登保上次奏報提督穆克登布陣亡之後日來望報甚切本

日據額勒登保奏到各路官兵剿賊情形尙不過
殲擒一二零匪所奏通籌三省大局一摺閱之實
深煩悶益增焦急據稱設營築城實可制賊奔逃
寨民旣有所歸兵力亦足堵截等語殊屬憤憤之
極善後事宜原可與搜捕零匪同時並舉但設營
築城係屬地方官應辦之事額勒登保身爲經畧
搜捕零匪是其專責乃不知督飭將領上緊剿賊

綏靖地方而轉以爲興築城營實可制賊奔逃試
思現在零星散竄之賊皆不過在深山老林潛匿
奔逃冀延殘喘卽從前大股賊匪亦並未敢攻撲
城池佔據寨砦此時卽使擇要興築設兵駐守賊
匪知有兵防早經遠道遠避官兵安能制其死命
況寨砦百姓各處散布遇有零星匪竄至尙可就地
擒拿若如額勒登保所奏城營修整卽可將附近

寨洞百姓遷徒入城是直將民田廬舍委之賊匪而賊蹤所至無人抵禦更得來往自如乃轉稱賊匪不敢由彼奔突乎至所稱興築工程更可以工代賑一節尤屬非是無論地方興修工作其久經從賊習慣搶掠者斷不肯勤苦工作圖趁口食卽使果有窮蹙潰敗暫思備趁之賊而有工時爲民無工時卽仍可爲賊至如摺內稱各處裁撤鄉勇

送回本籍後不能謀生現仍有隨營覓食充當夫役之人若以工代賑兼可收養遊民等語試思地方現有興作該遊民等得以藉此謀生設將來工程完竣亦難保證民不仍散爲賊額勒登保又將如何安置乎又據稱統計川陝兩省城營各工約需銀四十萬兩如蒙恩給發督撫及時趕辦額勒登保並可就近查核督催等語尤爲紕繆兩省工

程需銀四十萬兩原不爲多朕此時並非靳惜此
數十萬帑銀所日夜憫念者餘匪一日不淨生民
一日不寧賊匪輾轉奔逃到處劫掠生靈流毒滋
深額勒登保總統師于自應以戢暴安民爲己任
乃不思辦賊轉欲監工豈經畧重任僅在監督工
程抑伊專辦工程又另派人前往代辦經畧之任
乎七年以來所奏之摺從無似此次不通事體之

至且據摺內稱陝省兵勇共有三萬餘人川楚尙不止此統計零匪不過千四五百人是各路兵力較之賊數多至數十餘倍何難迅掃餘氛力圖蕝績昨經疊降諭旨令伊於麥秋前將餘匪一律肅清乃摺內稱秋間定可觀成其意直欲遲至秋間始能淨盡豈此數月內額勒登保竟任零匪東奔西竄唯以督工爲亟耶至稱三省軍餉每月需銀

三十四五萬兩懇恩鑒核一節軍營需用餉項朕
先事預籌源源接濟從未令有缺乏並有不待督
撫等奏請早行撥給者額勒登保豈不知之猶以
此藉口乎看來額勒登保竟不盡心辦賊殊負委
任本應全行黜革姑念八載勤勞向著勲績著暫
留任以觀後效先行革去御前大臣并紫韁仍授
御前侍衛並傳旨嚴行申飭至將跟隨穆克登布

之馬兵旗手臨時潰動之鍾毓才劉振揚二人正
法示衆所辦尙是其平日不能訓飭兵丁之都司
曾連光守備孫銑均照所請革職柳號軍營示衆
又帶領兵勇之千總胡國安楊清江把總殷正芳
及向日跟隨穆克登布臨時不能救護之千總張
廷貴把總易光俊李占榮外委袁曙李榮泰均着
於懲責後一併斥革此等皆額勒登保應辦之事

朕無不照所請行額勒登保於漢文素非通曉卽
向來陳奏事件亦不至似此紕繆摺內以工代賑
諸語額勒登保斷不能解竟爲人所愚矣此必係
三省督撫及不肖地方官因軍需不能報銷希圖
借此延緩額勒登保受其愆戾故爲此奏從前屢
有人在朕前言及軍務日久未竣之故總由於此
彼時朕原不肯輕信今閱所奏竟不免有此情弊

額勒登保誤聽浮言咎無可諉但此事究竟係何
人主見並著明白覆奏

上又命軍機大臣傳諭德楞泰曰額勒登保奏通籌
現在三省情形一摺種種紕繆此必係輕聽浮言
因思德楞泰帶兵剿賊以來從無此議論此次額
勒登保所奏並未稱與德楞泰會商可見意見不
同但此等迂繆之言亦斷非額勒登保臆見著德

楞泰留心密訪此事究係何人主見並該經畧平
日愛聽何人之語一併據實奏聞不可稍有諱飾
至現在搜捕零匪是否尙有礙難辦理之處或額
勒登保所奏未能詳悉德楞泰身歷戎行確有所
見亦著據實陳明候旨遵辦

上又命軍機大臣傳諭川陝楚三省各督撫日額勒
登保奏通籌現在三省情形一摺閱之殊不可解

此必非額勒登保一人之見自係輕聽浮言據以入奏從前屢有人在朕前言及軍務之所以日久未竣者總因外省地方官於一切動支軍糈等項不能報銷特欲留此零星殘孽拖延時日爲捏款開銷之地彼時朕未卽信以爲真今額勒登保所見如此看來外間竟不免有此等情弊據額勒登保摺內稱與勒保會晤時曾經面商勒保是否意

以爲然何以不聯銜具奏此外各督撫會否亦經
會商代出主覓抑係不肖官員從中慫恿著勒保
惠齡吳熊光等查明據實覆奏不得稍有諱飾

臣

等竊惟善謀者勿臨事而改圖殺賊者貴
乘時而致果三省零匪未清額勒登保身統
師干責無旁貸乃不專心辦賊忽以設營建
城爲請此無論餘匪之繞越奔逃不足制其

死命遊民之暫時傭趁不能保其恒心而各
路將弁官兵一聞此言將謂辦賊機宜可以
不資戰陣自必人人鬆勁觀望遷延於全局
殊有關係我

皇上睿斷如神一經

披覽奏章立降

嚴旨申飭加以薄懲並

傳諭各處帶兵大員三省督撫究其倡議之人於以
息浮言而一衆志不但額勒登保感愧奮發
克底于成而各處文武將弁等亦皆聞

命悚惕戮力同心不敢稍萌踈懈矣

十一日 乙巳

上命軍機大臣傳諭四川陝甘湖廣總督曰昨據額
勒登保奏川楚陝三省現在官弁兵勇餉銀及運

脚等項督撫等未經遠籌動形支絀等語各省應支軍餉遇該督撫等請撥無不立時降旨准行且有不待奏請先飭知隣省解往接濟者此項銀兩原祇爲軍需動用其餘一切地方公務概不准有絲毫挪移致形短絀計本年以來降旨發給川省軍需銀已有七十萬兩陝西五十萬兩湖北四十萬兩究竟該三省現在搜捕餘匪每省實存官兵

若干名每月應支餉銀若干萬兩其兩次所撥銀兩該督等於何時領到何時開支有無移後補前情事現存銀數若干扣算支銷之期至何月卽須接濟著各該督等各就本省情形詳悉查明速用五百里各行馳奏

十一日

丙午

上命軍機大臣傳諭兩淮鹽政岱山曰現在川陝楚

籌辦一切善後事宜需用較多著再於商捐項下撥銀五十萬兩解赴河南交馬慧裕收貯候撥毋稍遲緩

上又命軍機大臣傳諭河南巡撫馬慧裕曰前撥河南存貯銀五十萬兩解陝備用當於兩淮商捐項下如數撥還歸欵此時想已將次解到茲又於兩淮商捐項下再撥銀五十萬兩解豫存貯以備川

陝楚一切善後之需俟解到時同前存貯銀兩一併聽候撥用

十四日

戊申

吳熊光奏言竊查陳姓股匪由陰峪

河會合竄及火田灣東溪地方經該處寨勇吳加英等率勇扼截殺斃賊匪七名寨勇吳加英孟光華劉士聰各受矛傷吳加英旋因傷重殞命維時慶溥呢瑪善相繼率兵前進匪衆遁入

老朋厰密林該處爲房縣興山巴東三縣交錯之地路徑叢雜該鎮將分投轟擊該匪不能存身復分投逸出一股百餘人由房縣羅漢碕向二竹邊界西竄慶溥帶兵向竹谿王家山司馬崗一帶追剿並派兵向高藤口一路抄擊一股約有百人南入興巴地境呢瑪善跟蹤進擊又據探興山屬之解家壩獨木阡等處有劉渣鬚

子股內剿散零匪百餘人竄出滋擾吉林泰已
率兵往捕查此股零匪是否係劉逆夥匪抑卽
係呢瑪善趕剿之賊竄及興山均未可定有呢
瑪善吉林泰兩路官兵跟擊足資分剿臣已節
次嚴飭該鎮將等視賊所在上緊進擊不得僅
以逼追出境爲事奏入

上命軍機大臣傳諭吳熊光曰楚省境內現有三股

容匪慶溥呢瑪善吉林秦分投躡剿自應趕緊兜
捕搜獲淨盡乃吳熊光摺內祇稱伊等帶兵擊剿
並未打一仗殺一賊而擊賊受傷陣亡者皆係寨
勇可見官兵祇事尾追竟未與賊接仗自係帶兵
鎮將不奮勉緊追所致慶溥呢瑪善吉林秦著吳
熊光傳旨各嚴行申飭並傳諭慶溥呢瑪善吉林
秦三人何人先能將所剿賊股辦竣卽當加恩先

予議敘其有怠玩遲延以致餘匪輾轉竄逸者卽
當重治其罪至所稱興山竄匪百餘是否係劉逆
夥匪抑卽係呢瑪善趕剿之賊一節亦著吳熊光
查明具奏再楚省軍需銀兩本年已發給四十萬
兩現在尙餘若干足敷何月支銷之處並著吳熊
光查明遇便覆奏此次傷亡寨勇吳加英著岑部

賜卹

上又命軍機大臣傳諭馬慧裕曰陝省現在尙有搜
捕事宜恐一二月內尙未能撤防軍糧關係緊要
自應寬爲預備以裕供支因思河南上年秋收豐
稔民間自必蓋藏寬裕著馬慧裕察看情形該省
小米麥石可以籌撥若干接濟陝省之處一面妥
爲儲備一面奏聞候旨撥往